

華威頓泰西史略

一函
四冊

盛頓泰西史略卷三

議取加拿他

圍波斯頓之事暫不細述。七月內接西那將軍紐約來書言探得專臣在紐約西部謀糾合印度人附加拿他英軍起事。自衣電亞連與邊列的晏魯兒奪獲拔根打碌架及侵皮連湖後兩人爭功不決。亞連謂前日出兵之議係干捏底吉議會所發。拔根打碌架應歸其屬。晏魯兒則謂係出麻沙朱舌士保安會之命。各執一詞。莫衷一是。因洲議院乃分別後先以砲臺交紐約邦管理。令紐倫敦派兵協守干捏底吉總督依令派參將軒文領兵一千前往守護洲議院欲將該處所存大砲軍器移於左治湖南亞連與晏魯兒兩人欲借此地立功。力言該臺緊要軍械不宜遷移。議欲領兵入加拿他。拔根打碌架求善吾潘疏通各路。亞連致書紐約議院謂此地鎖鑰已入吾手。若乘其無備突發二三千人入加拿他保可得志。若英倫敦援兵不至徑可規取圭碧大邦。如此則幾治勢孤。我有險可守矣。亞連又將此意函達干捏底吉總督。墮能保兒晏魯兒在求善吾潘亦致書總議院。慫恿之言彼處現有在失專斯所獲一桅船一艘二桅船一艘長龍艇數艘軍械兵弁俱備。專候進止。發信數日參將軒文帶干捏底吉兵至前時之青山童子軍。因期滿漸散。衣電亞連與些文溫拿

亦赴議院代領兵餉并請添兵。議員接遇優渥。晏魯兒見軒文軍至不平。不交砲臺。自謂為麻沙朱舌士保安值事委任。所有侵皮連湖及左治湖南一路砲臺俱應歸已統領。議院派麻沙朱舌士議員三人前往查辦。驗其文憑。詰其專擅。晏魯兒詞屈。乃解散部卒而去。其部卒習於驕肆。不受別員約束。遂借索餉滋事。諸將再四警諭。議院將所欠餉糈一律清給。乃散。亞連等所獻伐加拿他之策。洲議院初不允行。繼聞沙基加列頓固修失專斯砲臺。將以舟師由侵皮連湖奪回所失各地。不日英倫敦與別埠援兵到。即進。基專臣又聯合基腰架斯及先力架斯并六國頭目起事。而亞美利加自得侵皮連湖等處經營聯絡。頗得加拿他人心。皆欲糾合義士與亞人聯合。教士亦有抗拒國政之心。今聞檣兒示當英兵無多。若乘其援兵未集。攻之可以得志。於是取加拿他之議乃定。然其地行軍極險。非老成持重之士不能勝任。時西那在紐約。乃令其於六月廿七日赴拔根打碌架查看情形。如加拿他人果可聯合。則即進取失專斯及捫地利兒。七月十八日。西那抵拔根打碌架。接統軒文之千。捏底吉。紐約青山童子軍一千二百人。遣其心腹都司專步朗赴加拿他訪察英軍防禦疏密。與該處人民意向。以步朗現寓梳里河。素悉加拿他形勢也。西那不候議院回諭。即先製造船筏為載兵之用。乃軒文之軍皆新集農民。不循軍律。專尚朋黨。

鄉情不聽別邦將弁統屬。西那因是煩惱。而衣電亞連及些文溫拿所募紐堪餘架蘭之青山童子軍兩人。又爭為統將。相持不下。西那不得已。乃議七月廿七日。推舉將領各執事。皆推選些文溫拿。亞連自以平日忠義。反致湮沒。大忿。遂徑投拔根打碌架軍。西那採訪人步朗回報。查得該處英軍約有七百名。以三百人紮失專斯。五十人守圭碧。餘均紮捫地利兒。及侵皮利。以上各隘。參將基專臣率其佃戶及印度人三百名。亦駐紮捫地利兒。於失專斯建木砲臺二座。每臺大砲九門。河下以兩火船裝載糧食。聞已將盡。若乘此時攻之。加拿他垂手可得。至加拿他與印度人心。均不悅英國管轄。願附亞美利加。西那遂將各情函報華盛頓。言吾已決意進取。只取元帥與議院進止耳。當候令之際。西那復往亞兒利班晤印度差使哥文那。屈架議事。與六國頭目訂約。留兒列提猛。今利暫統其衆。此人後統兵至加拿他。遂得大聲望。拔根打架碌事起時。有印度頭目數人。至襟被列治大營。獻取加拿他之策。其一人為哥文那華架黨頭目。居失魯倫斯河畔。去捫地利兒六里。其一為失佛蘭斯人。在圭碧四十五叨。每叨英里之上。俱勇武善戰之族。華盛頓素喜與邊地土人結納。待以賓禮。每食令與諸將弁同席。示以威儀。孚以恩信。各頭目咸言。若亞美利加人伐加拿他。願為前驅。華盛頓因是時。洲議院出有新例。謂若英人未先與印度人立約。

聯盟則亞洲不得借印度人兵力。已宣示於衆。驟難改易。而失佛蘭斯頭目言。加列頓總督曾遣人聯結彼族。協攻亞人。彼族蓋未許也。華盛頓不知信否。則囑西那探確其事。並訊進兵方畧。謂西那如能進兵。牽制加拿他。使英兵并力於捫地利兒失。專斯等處。則華盛頓即派一千二百人。由堅利碧河小道進取圭碧。西那方在亞兒利班與六國頭目聯約。得華盛頓密書。即函囑猛金利趕備行裝。即日將由拭根打碌架進兵。並復華盛頓書。言得各處探報。加列頓實有遣人煽動印度族類之事。無可疑義。若有印度人投營者。宜即納之。免生他變。直攻圭碧之策極善。猶惜不早耳。西那復書後。即回拭根打碌架。尚未至。猛金利聞加列頓在失專斯預備戰船。將由梳里河駛入。侵皮連湖。欲先據挨兒惡斯絡斯河島口。即率兵一千大砲二門。乘船入湖。留書西那。請其隨後。迅乘鰈魚船。帶大砲進發。八月三十晚。西那抵拭根打碌架。忽染發黃之疾。乃就船安置床榻。扶病啟行。九月四日。至挨兒那抹地島。與猛金利合暫息避風。乃至挨兒惡斯絡斯島。去失專斯南只十二里矣。波斯頓之圍。經數禮拜。英兵仍固守不出。日繕修營壁。時亞軍軍器砲彈已集。人思一戰。至八月下旬。謠傳波斯頓英兵將乘隙突圍。華盛頓亦派兵一千四百名。乘夜襲據楂兒示當峽口。高埠。以怒敵挑戰。平明壘成。英軍見之。由崩架山砲臺發砲轟擊。仍閉關不出。亞

美利加軍以九磅大砲擊沈峽口浮砲臺一座敵仍不出其意以亞美利加烏合之衆糧械不充利在速戰固守以疲之可不戰自潰華盛頓見英兵固守不出只嚴防禦為過冬之計乃揀勁卒七百人謀由堅利碧河進攻加拿他而軍中驟無此才勇之員膺此重任適晏魯兒至襟被列治與麻沙朱舌士保安值理申辯前事華盛頓念其攻侵皮連湖之功遂釋其小眚密授機宜令其領兵慎密前往并諭加拿他人供其軍食如西那軍之例將來倍給其償九月十三日晏魯兒自大營起程志氣甚得臨行華盛頓復囑此行貴速緩則失機晏魯兒去後華盛頓計日數程盼望消息度以十月內必抵圭碧也時又接西那信言已率小隊至近梳里河之挨兒惡斯絡斯島九月五日派衣電亞連及都司步朗查探此河與失魯倫斯中各地聯絡居民輜重均已登岸越日乘小艇沂梳里河至失魯斯砲臺兩里內砲臺開砲擊我至夜有一人來營謁見密報砲臺情形言砲臺今已竣工大砲備置河下新造大船一艘載大砲十六門三四日內即當起碇觀其情形似無加拿他人聯入聞土人皆守局外中立之義也次早集議軍機因兵力尚單大砲未備不能攻城故暫退回挨兒惡斯絡斯築營固守於河下建水閘一道阻敵船入湖俟拔根打碌架新兵大砲到即行進攻云云後數日新兵大砲至衣電亞連亦來報敵情意氣激發願為前鋒遂定

水陸進攻失專斯之議都司步朗亦往探敵并領亞人百名加拿他人三十前往侵皮利聯絡土人來會亞連在軍無職有良馬伏櫪之慨乃帶同黨三十名由那被禮利舊道往催前時聯約之人時西那在營久病百事躬親勞瘁益甚軍事粗定疾益加篤起坐俱廢乃交猛今利接統九月十五日仍坐蓬船回拭根打碌架養病催督新兵軍實十七日猛今利依議引兵自砲臺一里半下登陸分五百人據入捫地利兒及侵皮利援路自率正兵攻失專斯砲臺時英將被利示頓領防兵五六百名加拿他民兵二百名屯守失專斯善於捍禦猛今利所帶大砲舂砍砲粗劣砲手機匠亦未經訓練不能下急頓哺砲兵到又以十三寸厚舂砍砲粗擊然相去太遠又不得地亦不能克猛今利旋接衣電亞連信言有加拿他人二百五十名至巴利斯柯父失區牙示在梳里河南四叻_{一叻英}聽候調用三日內又有加拿他人五百名來會猛今利大喜乃亞連行至朗幾兒那皮利牙利斯之中遇步朗帶亞人及加拿他人一隊言探得捫地利兒守兵僅三十人甚易攻取亞連聞之心動欲效前攻拭根打碌架故智樹立奇功即與步朗約乘夜由捫地利兒對岸之朗幾兒坐小艇至失魯倫斯河自下流上陸令步朗率二百人由上流濟渡兩路同時夾攻步朗許之遂不告猛今利徑率部下亞人三十名加拿他人八十名於九月二十四晚渡河據捫

地利兒要路及天將曉不聞步朗號砲平明步朗兵仍不至亞連乃知步朗爽約欲即渡回而捫地利兒已派正兵四十名及加拿他印度人蜂擁而至矣兩軍甫合亞連之加拿他人即棄戈而走亞美利加人少傷亡過半亞連力屈被執亞連前日以僥倖成功今復以輕敵致敗亞美利加兵官聞之大為奪氣西那致書華盛頓言亞連躁率妄行吾恐諸將效尤將至貽誤大局華盛頓亦深惡亞連之妄答云吾但望此後諸將嘗以亞連為戒耳華盛頓旋接晏魯兒十月十三日自堅利碧與死河間之大埠來信言其上堅利碧河師行甚苦軍士半乘小舟半沿河徒步每至湍流悍急則篙槳并施遇淺水污沙則舍舟負物沿岸徒行其由陸路者蹈懸崖履危石叢蘿灌莽人跡鮮通或大澤荒墟水草沮洳同行士卒衣履破穿辛苦殆非人理多中濕熱之疾漸至逃亡未逃者只九百五十人每日僅行四里或十生前三隊已過第一埔頭後隊始到幸軍心尚復雄健約十八日至昭打利河則艱難歷盡矣晏魯兒雖經此艱苦而作書尚極周詳亦良將才也

海口籌防

當兩軍分路攻加拿他時沿海屢遭焚蕩因波斯頓城中接濟斷絕英人乃駛小砲船至紐倫敦各港擄掠食物居人多驅牛馬徙入內地結寨固守英兵無所得遂擊

毀示端零頓村。英國兒撈斯兵船船主急頓窩兒斯聚眾於紐砵兒律島港灣，亦揚言將劫沿海各口以報怨。亞人屢遭遊劫，麻沙朱舌士兒律島干捏底吉三邦乃各議籌款造兵船二艘，不由總議院定議。華盛頓亦自造兵船數艘，遊緝海上。十月十一日，英國水師副將貓滑率數艘至紐倫敦之花兒茂。即今波倫港。告諭居民謂奉王命搜捕叛黨，限即日兩點鐘全行移出。埠中居人獻納軍器，再四乞哀，乃展至次日九點徙盡。居人扶老携幼紛紛移徙，至九點半鐘號砲一發，即縱火焚燒，屋宇立時蕩盡。港中大小船艘毀棄一空。居民群聚山岡，回望村埠，但見烟燄漫天，火光燭地。花兒茂被毀，全國震動。貓滑又諭該埠人民謂奉水師提督忌利父斯令，焚蕩波斯頓至蝦利弗斯沿海商埠。華盛頓早料有此，即派蘇利分將軍往砵示茂海口糾合團民並力守助。紐砵亦仿其法，聯團守禦。麻沙朱舌士邦議會聞之，亦特立新章，鼓勵沿海居人製造戰船，防守其地，并設衙門審理各海港船艘劫奪之案，予以文憑，捕緝洋面敵船。後貓滑自不知所行殘暴，大拂人心。知照亞美利加大臣謂實幾治將軍及提督忌利父斯之命，由是幾治大失人望。亞人銜之次骨矣。十月十日，幾治奉調回英倫訪訊軍情，謀議亞洲事務。波斯頓英軍暫交該威將軍代統。幾治知亞人叩已亞美利加事難挽回，遂不復返。亞洲功名從此收束矣。十月十五日，議院遣董理

邊漸文佛蘭年喀爾勒那邦之磴勿斯禮吾治故毡里牙邦之蝦利臣及干捏底吉
兒律烏麻沙朱舌士紐堪賒各邦議員至營商議急攻波斯頓之策華盛頓為主席
左些文兒列為參謀商畧三四日咸以為不宜急攻董理將公議各情回報議院乃
議增兵二萬二千二百七十二人先選現在兵籍者均以一年為限於是自此以後
軍務漸掣肘矣會議甫畢書記官兒列以家事乞假回費爾治尼阿華盛頓無計留
挽乃以馬里倫人兒笠別蝦利臣暫代而以參將美分繼其任然其才皆不及兒列
矣敵威將軍接統波斯頓軍後甚得王政黨之心益繕修崩架山及波斯頓隘口各
砲臺拆毀城外當道屋宇於城中高阜建置子營以舊南禮拜堂操練馬軍拆北禮
拜堂以供薪爨居人見其汙毀聖堂目不忍觀十月杪下令三條第一條禁止居人
私行出入無放行票者不得放行查出處以軍法第二條領有放行票者帶銀不得
過五磅查出將銀入官再分別監禁治罪第三條城中編列保甲設立團防守望相
助各保身家一由將軍派員管理華盛頓聞花兒茂被焚已不勝憤又聞故毡里牙
總督敦摩出示駭駭人民抑制義士禁令煩苛與敵威一轍益怒不可忍即致書干
捏底吉總督墮霖保兒謂王政黨乃心腹之患不及早捕治將來必為大害彼塗毒
我人民焚蕩我屋宇暴虐已極耳不忍聞我復何所顧忌甘受其殘酷耶蘇利分將

軍時在砵斯茂建造砲臺。華盛頓令即捕緝曾受英國官爵職守之人，囚之為質。彼如擾動彼埠，即殺之以示報復。旋屆冬令，華盛頓恐波斯頓海灣冰合，敵威軍潰圍而出，於衝要之處，益加意嚴防。惟目下大砲糧食尤缺，時有軒利絡示者，崩架山之戰，曾著戰功，長於製造大砲，自請往侵皮連湖邊境，製辦軍器。華盛頓因薦其為砲隊統理，議院尚未允准。華盛頓即乘勢派往紐約，購買大砲彈藥，齊備後然後往西。那營供辦砵根打碌架求婁吾潘失專斯圭碧各砲臺軍火，絡示去後，華盛頓議欲增募新兵，而事多窒碍。其與總議院書言：各營將領多欲辭職，若人人如此，將來必至全軍潰散。其願留營者，又顯分朋黨。此邦之人，即不受彼邦將領統屬，其來營效力者，甫入營伍，即希望高官，或有勢力者，至營初不受職，高視旁觀，遇有優差，便自攫取，或已辭去，未久復來，受任如故，來去聽其自然。其兵丁氣習更甚，凡有召募，必先問明將領籍貫，乃肯入伍。如干捏底吉人，則不受麻沙朱舌士人員統轄。麻沙朱舌士人，則不受兒律島人員統轄。如此則將帥無權，悉由兵丁自擇矣。閱二十日，又致書議院主席，謂現在軍情十分渙散，雖吾輩熱腸，亦欲見難而退，汲汲可危。若敲威察知此情，新兵到時，乘隙而動，則吾曹不知死所矣。其與兒列書，則直云：吾亦思旦暮歸去，謝其仔肩，以今日衆心之渙散，糧餉軍火之缺乏，事權之不齊，百事牽制。

弊竇叢生，尚復責備求全，朝令夕改，使人懷一心，大局何堪設想？吾自束髮從戎，曾未見此軍政，雖有善者，亦無可如何。惟有默禱上蒼，默佑降福，吾實不忍坐視也。

加拿他之戰

十月二十六日，得西那捷報，亞軍克失專斯五里內之侵皮利中砲臺，後猛令利稜銳進攻失專斯臺中糧食已盡，英守將忌列頓待加列頓外援，尚固守不下。又有蘇葛蘭人參將墨其年者，久歷戎行，姿性勇敢，亦在圭碧募鄉兵三百，由梳里河上流駛入失魯倫斯會加列頓之軍。由朗幾兒來援，九月三十一日，加列頓由捫地利兒乘小艇三十四艘，渡失魯倫斯，至朗幾兒，為參將些文溫拿青山軍及紐約兵臨河逆擊，大敗之。加列頓率餘艇奔回捫地利兒，失專斯援絕，臺中正兵五百名，加拿他人百名悉降。參將墨其年領軍援失專斯，途遇都司步朗及厘分斯等之軍，亦敗回梳里河口。及聞加列頓敗報，所募加拿他兵遂散。餘兵悉由失魯倫斯遁回圭碧亞軍，遂於梳里河口建築砲臺，扼阻失魯倫斯及捫地利兒舟師。時晏魯兒之兵已過堅利碧至死河埔頭，抬舟渡弱水，至雪冤山脚，遇暴雨河漲，糧食輜重多遭漂沒，士卒濕疾益增，軍心大沮。惟晏魯兒豪邁如故，鼓勇進至周爹厘下流之沙的近湖，遇遣往法國屬地探訪偵卒，回報法國屬地人情甚和，晏魯兒乃留大隊在後，自領前

軍掉長龍艇五艘，木筏一支，輕舟先進。河流多石，湍流悍激，小舟衝敗三艘，糧仗盡失。屢經艱險，乃行抵法人沙的近埠，遣加拿他人及印度人賚糧回周爹厘迎濟大隊。時兵士不食已數日矣。晏魯兒兵在周爹厘小憩數日，出華盛頓告示，曉諭遠近收合那列治活印度人四十名。十一月初九日，乃由潘利輝山林，穿出失魯倫斯至圭碧對岸，猛令利之軍於十一月十二日至捫地利兒。加列頓已率敗兵與文員數名，乘小舟十一艘，連夜遁去。猛令利入砲臺，施布恩信，居人鷄犬不驚。加拿他英法流人始信亞人之來，果為保護自主之局，喜出望外。聞晏魯兒之軍將至，圭碧急馳騎密約，令其截擊加列頓，共定加拿他之地。加列頓率敗卒屢欲乘間逸出，失魯倫斯均為梳里河砲臺截阻，乃退至河上十五里屯泊。猛令利率長龍艇追之。加列頓急，乃易舟子服，偕農夫六人，搖六槳輕舟，乘夜遁回圭碧。部下悉降。猛令利既克捫地利兒，失專斯。侵皮利各砲臺，分兵屯劄，議即駛出失魯倫斯。合晏魯兒之軍進攻圭碧，而軍士忽生怨叛，或托病而逃，或以限滿告退。猛令利怫鬱無聊，欲即辭職。又念議院知遇，未便愆然，乃致書西那將軍，言克復圭碧後，即決意解任矣。猛令利昔年曾隸歐洲軍籍，號令整肅，紀律嚴明。今一旦統此烏合之師，任意縱恣，皆一時自由之氣，鼓舞而來，不受約束，故不勝憤懣。華盛頓聞克捫地利兒之報，大悅。方日望

主碧捷音忽接西那來書言軍士皆不遵約束肆行放蕩舊部亦染此習終日嬉游不事操練吾忝膺軍職不忍坐視今已決意稟求議院辭職矣已而果致書議院言猛今利近以士卒不受節度請解兵柄鄙人之意亦與之同今已彼此商定約俟加拿他事定即同辭職矣議院得書知西那平日重名無所留戀急以書慰留獎其辦事之勤勞勳望之卓著事定之日合衆邦定當頂禮申謝懋賞酬庸方今時事艱虞未宜遽爾棄置獎慰勸勉恩禮有加華盛頓亦以平日交情抵書勸勉畧言弟聞君與猛今利將軍均有辭職之意鄙人實所未喻當今時勢艱危凡有血氣之倫皆當激發忠義以保衛邦家成自主之局正志士扼腕之秋丈夫策勳之會何遽以區區小憤而生退阻耶天鑒在茲恐不汝信也弟本庸材知識閤陋謬承衆望忝握兵符徒以大局所關安危即在旦夕竊不自揆欲激勵同志敵愾同仇堅忍不拔盡其在我顧利害是非共扶大局未宜與戍卒小夫爭區區之憤願君與猛今利將軍捐小忿圖大功勿因此而易平生抱負減損威名為鄉里所竊笑也西那得書深入胸臆即復書云鄙人猥以庸愚蒙將軍喻以大義譬以時艱實如私願吾徒保邦衛國伸自主之權正在今日過此以往決無可為失時不為賢者所恥鄙人不敏謹當激勵素心執鞭弭以隨將軍後削平大難保我邦家俾亞洲人民同享太平之福然後

偃戈息武，退伏山林，以副將軍之望。及亞美利加人之付託也。西那本有軍旅之才，抱負忠義，徒以軍士怨叛，頓灰壯心。及得華盛頓書，志意遂定。時西方士卒紛紛聚議，皆欲歸本邦，將領統轄，又怨西那，遇加拿他降人優渥，故嘖有煩言也。

營中爭鬭晏魯兒在圭碧

時議院新定營制未善，欲募補缺額，亦甚窒碍難行。是時人心激怒漸平，又頓兵波斯頓城下，久無戰績，軍心益懈。旋屆冬令，軍需供給不時，薪炭糧食，時時缺乏。士卒皆有思歸之心，干捏底吉兵募期甫滿，即各回家。華盛頓令候十二月十日新兵到齊更代，該兵亦不少留。至初一日，遂各散去，軍勢益衰。幸該軍歸後，里中父老迎勞，喻以大義，未久即復回營。當時議院恐他軍效尤，特派正兵護運軍器大砲至營，故多張旗幟，以壯聲勢，而固軍心。所送軍裝多華盛頓所遣緝捕船船主文利捕獲之物，共得鎗二千支，圓彈三萬，箭砲彈三十二，墊火石十萬枚，及三千磅重新式春砲一門。衆以凱捷之物，士氣為之一振。乃擇日行洗禮，製造砲床。老將匹林洗以兒能酒總傳令官美分命名曰議律會云。華盛頓方以舟師獲勝自喜，旋因派往失魯倫斯巡緝水師，截擊英軍大船不獲，遂由失魯斯登岸劫掠，執代理總督架兒碧及鄉紳二人，焚其家室，延及隣右。架兒碧至營控訴，華盛頓飭將原物發還，其事乃已。

衣電亞連自在捫地利兒被俘後大遭屈辱械繫圈圍旋英將皮利示葛亦為亞人俘獲華盛頓大喜議報復之照會敲威將軍言必械繫皮利示葛為亞連復仇敲威答以加拿他之軍乃加列頓統領非吾所部不得以此相抵議院遂繫皮利示葛於費爾治尼阿獄中但免鐐械旋以病開釋華盛頓與敲威函辯時一面請議會造開花砲攻擊波斯頓先是正林於前月乘夜襲據給步兒山建築砲臺名曰正林壁壘堅固今又議於列治孖山凹建一砲臺與給步兒對峙從喊利斯澗架木梁築甬道以相屬列治孖山當波斯頓北岸示給波羅父砲船常泊其下十二月十七日朝十點鐘正林率土工四百人乘大霧登山奮築至十二點鐘霧霽天清示給波羅父砲船及波斯頓城中望見即發砲轟擊我軍在給步兒山還擊砲小不能及士卒不支乃退回山下是夜正林復潛軍再築黎明希兒文將軍又率卒助工英軍連日砲彈如雨亞軍抵死不退築成二壘其一專置開花砲以前日命名議律會之大銅砲安置其中築甬道直達橋下正林自以所建二砲臺得地大砲亦極堅碩惟須藥彈充足耳時軍事叢集籌畫疲勞華盛頓頗思畢磴覓故里常囑代理人倫華盛頓詳報近日產業出入爾時茂吾威倫伯爵敦摩倡言將毀民黨頭目家室若有兵船至畢磴覓華盛頓居室必遭焚蕩華盛頓之兄專阿基斯頓屢勸華盛頓夫人暫時移避

蔓頓之人亦勸其暫往步魯兒列治避之。許派人護送。華盛頓夫人及代理人倫華盛頓均不置意。華盛頓既繫念茂吾威倫。又念夫人岑寂。頓起離思。料軍中一時可無他變。十一月即寫書囑其夫人來營。以家事全付倫。華盛頓倫華盛頓雖與華盛頓同姓。亦非親屬也。華盛頓夫人擇日携其子吉斯地斯與其子婦乘馬車赴營。沿途護衛。過費爾治尼阿。憩息數日。邦人爭相屬曰。至襟被列治大營。將士皆至軍門迎迓。夫人端莊靜肅。以禮自持。越日燕享將士。各盡其歡。間有未周。遂生嫉妒之言矣。夫人到後。華盛頓頓釋煩憂。精神暢適。延見賓客。談笑自如。時營中玩劇成風。先是故毡里牙鎗兵至營。見襟被列治大廈崇樓。一旦化為營壘。終日結隊遊觀。效印度人裝服。紋綳獵衣。孖步兒乞兵皆漁人。著圓袴細褲。各相矜飾。兩軍相遇。互有嘲譏。時雪深盈尺。言語不勝。遂互團雪球拋擊。已遂徒手毆搏。頃刻觀者至千人。顛倒鬨擊。喧聲如雷。華盛頓爾時不知偶爾相遭。抑特來鎮壓。帶黑奴一名。單騎撞入人叢。執長身壯力鎗兵二名。握其項。且罵且唾。若輩皆華盛頓鄉人。華盛頓惡其無禮。貽鄉里羞。痛責之。未三分鐘。鬥者乃各獸散。時加拿他戰事未靖。華盛頓日以為念。晏魯兒在圭碧對岸之潘利輝。無舟不得渡河。道加能希走報西那。猛今利乞代覓舟艇。而沿河舟艇皆為副總督驅散。毀壞。晏魯兒四處搜求。乃覓得樺木小艇四十